

काया नगर में ऊबी निम्बडी,

दोहा और भला सब रूठ जो,
और ना रूठे गुरुदेव,
गुरु रूठ्या मेरे ना सरे,
मै करा चरण री सेव ।

काया नगर में ऊबी निम्बडी,
काया नगर मे ऊबी निम्बडी,
जिनरी कुपल खारी ए हा,
अरे खारी ने मीठी कर लेवे,
खारी ने मीठी कर लेवे,
संत बडा उपकारी,
आज म्हारे घर आया बनवारी ए हा,
अरे करसु सेवा गुरो री रे,
मै तो करसु सेवा गुरो री,
आज म्हारे घर आया बनवारी ए हा ॥

काया नगर में वेद बन आया रे,
काया नगर में वेद बन आया अरे,
ओखत न उपकारी ए हा,
अरे ओर दवाई म्हारे काम नी आवे,
ओर दवाई म्हारे काम नी आवे,
अरे दर्शन री बलिहारी,
आज म्हारे घर आया बनवारी ए हा,
अरे करसु सेवा गुरो री रे,

आज म्हारे घर आया बनवारी ए हा ॥

अरे काया नगर में आया बन्जारा रे,
काया नगर में आया बन्जारा,
अमे हिरो रा व्यापारी ए हा,
अरे आधी बलद मे मेवा ने मिसरी,
आधी बलद मे मेवा ने मिसरी,
अरे आधी मे लोंग सुपारी,
आज म्हारे घर आया बनवारी ए हा,
अरे करसु सेवा गुरो री,
आज म्हारे घर आया बनवारी ए हा ॥

अरे काया नगर में तपत पसेरो,
काया नगर में तपत पसेरो,
अरे अधर सलेसा भारी ए हा,
अरे केवे कमाल कबीर सा री चेली,
केवे कमाल कबीर सा री चेली,
अरे आगे री मंजिल करारी,
आज म्हारे घर आया बनवारी ए हा,
अरे करसु सेवा गुरो री,
आज म्हारे घर आया बनवारी ए हा ॥

काया नगर में ऊबी निम्बडी,
काया नगर मे ऊबी निम्बडी,
जिनरी कुपल खारी ए हा,
अरे खारी ने मीठी कर लेवे,
खारी ने मीठी कर लेवे,
संत बडा उपकारी,

आज म्हारे घर आया बनवारी ए हा,
अरे करसु सेवा गुरो री रे,
मै तो करसु सेवा गुरो री,
आज म्हारे घर आया बनवारी ए हा ॥

गायक भंवर गायणा जी ।
प्रेषक मनीष सीरवी
9640557818

Source: <https://www.bharattemples.com/kaya-nagar-me-ubi-nimbadi/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>